



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

«___» _____ 201 թ.

No _____

Ո Ր Ո Շ ՈՒ Մ

26.09.2018 թվականի վարչական տույժ նշանակելու մասին թիվ 236 որոշմամբ
նշանակված տուգանքի չափը փոփոխելու վերաբերյալ

<<31>> հոկտեմբերի 2018թ.

ք. Երևան

Հայաստանի Հանրապետության պետական եկամուտների կոմիտեի նախագահի տեղակալ Ռուստամ Բադասյանս, վերադասության կարգով վերանայելով Գոռ Ալեքսանի Կաժոյանի վերաբերյալ «Վարչական տույժ նշանակելու մասին» ՀՀ ՊԵԿ հետաքննության վարչության պետի 26.09.2018թ-ի թիվ 236 որոշումը,

Պ Ա Ր Զ Ե Ց Ի

2018 թվականի օգոստոսի 15-ին ՀՀ ՊԵԿ ՄԴՊ վարչության աշխատակիցների կողմից ձեռնարկված միջոցառումների արդյունքում պարզվել է, որ Գոռ Ալեքսանի Կաժոյանը 03.08.2018թ. Բագրատաշենի մաքսային կետով թիվ 05100033/030818/0051524 տարանցիկ հայտարարագրով Վրաստանից <<Մերսեդես>> մակնիշի 52C0555 հաշվառման համարանիշի ավտոմեքենայով ՀՀ է ներմուծել 3500 կգ քաշով ձմերուկ, սակայն նշանակման վայր՝ Հյուսիսային մաքսատուն-վարչություն հասցնելու փոխարեն մաքսային հսկողության ներքո գտնվող ապրանքները առանց մաքսային մարմնի թույլտվության բեռնաթափել է և օտարել:

ՀՀ ՊԵԿ հետաքննության վարչության պետի 26.09.2018թ-ի թիվ 236 <<Վարչական տույժ նշանակելու մասին>> որոշմամբ Գոռ Կաժոյանը ճանաչվել է զանցառու և ենթարկվել է վարչական պատասխանատվության ՀՀ մաքսային օրենսգրքի 198-րդ հոդվածի հատկանիշներով:

ՀՀ մաքսային օրենսգրքի 198-րդ հոդվածի համաձայն՝ մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը, ոչնչացնելը կամ կորցնելը՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի հիսուն տոկոսի չափով:

Վարչական վարույթի ընթացքում հարցում է կատարվել ՀՀ ՊԵԿ Հյուսիսային մաքսատուն-վարչություն, որտեղից ստացված 29.08.2018թ. թիվ 27.1.2-4/1780504-18 գրության համաձայն՝ 3500կգ քաշով ձմերուկի մաքսային արժեքը կազմել է 5950 ԱՄՆ

դրվարին համարժեք 2.872.244 ՀՀ դրամ, իսկ վճարման ենթակա մաքսային վճարների չափը՝ 757 183 ՀՀ դրամ:

ՀՀ ՊԵԿ հետաքննության վարչության պետի 26.09.2018թ-ի թիվ 236 <<Վարչական տույժ նշանակելու մասին>> որոշմամբ տուգանքի չափը սահմանվել է 1 436 122 ՀՀ դրամ:

03.10.2018թ-ին Գոռ Կաթոյանը դիմել է ՀՀ ՊԵԿ՝ խնդրելով վերանայել 26.09.2018թ-ի թիվ 236 <<Վարչական տույժ նշանակելու մասին>> որոշումը և ազատել իրեն տուգանքից:

<<Վարչարարության հիմունքների և վարչական վարույթի մասին>> ՀՀ օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

ՀՀ ՊԵԿ իրավաբանական վարչության կողմից 15.10.2018թ-ին հարցում է կատարվել ՀՀ ՊԵԿ մաքսային հսկողության վարչություն՝ պարզելու 2018 թվականի օգոստոսի 3-ի դրությամբ ՎՀ-ից ՀՀ ներմուծված 1 կգ ձմերուկի մաքսային արժեքը:

ՀՀ ՊԵԿ մաքսային հսկողության վարչության 16.10.2018թ-ի թիվ 8-1/1820227-18 գրությամբ հայտնվել է, որ 2018թ-ի օգոստոսի 3-ի դրությամբ մեկ կիլոգրամ ձմերուկի մաքսային արժեքը կկազմեր 0.75 ԱՄՆ դրվարին համարժեք ՀՀ դրամ:

ՀՀ կենտրոնական բանկի կողմից 2018 թ-ի օգոստոսի 3-ի դրությամբ 1 ԱՄՆ դրվարի փոխարժեքը սահմանվել է 481.28 դրամ:

Նշված տեղեկատվության ուսումնասիրումից պարզ է դառնում, որ վերոհիշյալ ապրանքի մաքսային արժեքը կազմում է 1 263 360 ՀՀ դրամ (3500×360.96):

Բողոքի քննության ընթացքում Գոռ Կաթոյանի օգտին առկա որևէ այլ հանգամանք չի բացահայտվել, հետևաբար դիմումով նշված տույժ տուգանքներից ազատելու հիմքեր առկա չեն:

Ելնելով վերոգրյալից և ղեկավարվելով Հայաստանի Հանրապետության մաքսային օրենսգրքի 223 հոդվածի 1-ին մասի «դ» կետով՝

Ո Ր Ո Շ Ե Ց Ի

1. 26.09.2018 թվականի վարչական տույժ նշանակելու մասին թիվ 236 որոշմամբ նշանակված տուգանքի չափը փոփոխել և սահմանել 631 680 ՀՀ դրամ ($1\ 263\ 360 \times 50\%$):
2. Որոշման մասին հայտնել Գոռ Կաթոյանին:
3. Որոշումը երկամսյա ժամկետում օրենքով սահմանված կարգով կարող է բողոքարկվել Հայաստանի Հանրապետության վարչական դատարան:



ՌՌԻՍԱՄ ԲԱԴԱՍՅԱՆ